

Երեւանի եւ Պրիւսիայի միջեւ յառաջիկայ տարի բանակցութիւններ կրնան սկսիլ վիզաներու ջնջման համար

ՆՈՐ ԳՈՐԾԸՆԹԱՑ ՄԸ

Հայաստանի Ազգային անվտանգութեան խորհուրդը երէկ ժողով մը գումարեց՝ նախագահ Սարգսեանի գլխավորութեամբ

Հայաստանի նախագահ Սերժ Սարգսեան նախընթաց երեկոյեան ծաւալուն հարցազրոյց մը տուաւ «Արմենիա» հեռուստակայանին: Այս առթիւ ան պատասխանեց բազմաթիւ հարցումներու, որոնց միջոցաւ մեկնաբանեց երկրի արտաքին ու ներքին քաղաքականութեան վերաբերեալ բազմաթիւ այժմեական նիւթեր: Այս ամբողջին մէջ Սերժ Սարգսեան յայտնեց, որ յառաջիկայ տարուան առաջին կէսին Հայաստան եւրոմիութեան հետ երկխօսութեան պիտի ձեռնարկէ՝ մուտքի արտօնութիւններու (վիզա) ազատականացման հարցին շուրջ: Իր խօսքերով՝ ժամկէտներու վերաբերեալ յայտարարութիւն ընելը թէ՛ անհնարահալալ գործ մըն է, սակայն հաւանական է, որ այդ ժամանակահատուածին



Հայաստանի Ազգային անվտանգութեան խորհուրդին նիստը սկսի երկխօսութիւնը: «Այստեղ եւս կան բազմաթիւ խնդիրներ, սա տեւական գործընթաց մըն է: Եթէ լաւ աշխատինք, կը կարծեմ, թէ երկու-երեք տարուան ընթացքին կրնանք հասնիլ վերջ-

Միւս կողմէ, նախագահ Սերժ Սարգսեանի գլխավորութեամբ երէկ Հայաստանի Ազգային անվտանգութեան խորհուրդը ժողով մը գումարեց Երեւանի մէջ: Պաշտօնական աղբիւրներու հաղորդումներով, օրակարգի վրայ եկան ռազմաարդիւնաբերական համալիրի զարգացման, ինչպէս նաեւ ահաբեկչութեան դէմ պայքարի իրաւական ու կառուցակարգային նախադրեալներու ամրապնդման հիմնարկները: Ազգային անվտանգութեան խորհուրդի անդամները հաւանութիւն տուին ռազմաարդիւնաբերական զարգացման պետական ծրագրին: Քննարկումներու արդիւնքով հաստեցեցաւ առաջարկներուն հիման վրայ կառավարութեան տրուեցան շարք մը յանձնարարականներ:

Հայաստանի Հանրապետութեան Կրթութեան ու գիտութեան նախարարութեան եւ ՀԲԸՄ-ի միջեւ

ԳՈՐԾԱԿՑՈՒԹԵԱՆ ՅՈՒՇԱԳԻՐ

Հայկական Համացանցային Համալսարանի առանցքին շուրջ յառաջ կը տարուին նոր ու կարեւոր նախաձեռնութիւններ

Հայաստանի Կրթութեան ու գիտութեան նախարարութեան եւ Հայկական բարեգործական ընդհանուր միութեան (ՀԲԸՄ) Հայկական Համացանցային Համալսարանի հիմնադրամին միջեւ երէկ երեւանի մէջ ստորագրուեցաւ համագործակցութեան յուշագիր մը: «Արմէնփրէս»-ի հաղորդումներով, ստորագրման արարողութիւնը տեղի ունեցաւ ՀԲԸՄ-ի Հայաստանի կեդրոնի մասնաճիւղին մէջ: Յուշագիրը ստորագրեցին Հայաստանի Կրթութեան ու գիտութեան նախարար Լեւոն Մկրտչեան եւ ՀԲԸՄ-ի Կեդրոնական վարչութեան անդամ Երւանդ Զօրեան, որ միեւնոյի ժամանակ Հայկական Համացանցային Համալսարանի հիմնադիրն է: Ներկայ էր նաեւ ՀԲԸՄ-ի Կեդրոնական վարչութեան անդամներէն Վազգէն Եագուպեան, որ կը գլուխաորէ կառույցի Հայաստանի մասնաճիւղը:

Հաւաքույթի ընթացքին Լեւոն Զօրեան, որ միեւնոյի ժամանակ Հայկական Համացանցային Համալսարանի հիմնադիրն է: Ներկայ էր նաեւ ՀԲԸՄ-ի Կեդրոնական վարչութեան անդամներէն Վազգէն Եագուպեան, որ կը գլուխաորէ կառույցի Հայաստանի մասնաճիւղը:



Վազգէն Եագուպեան, Լեւոն Մկրտչեան եւ Երուանդ Զօրեան

ՆԱԽԻՋԵՒԱՆԻ ՀԱՄԱՐ ՈՒՇԱԳՐԱԻ ԿԱՐԾԻՔ



Կիրո Մանուկեան Հայ յեղափոխական դաշնակցութեան քաղաքական գրասենեակի ղեկավար Կիրո Մանուկեան յայտարարեց, որ Թուրքիոյ եւ Ատրպէյճանի կողմէ նախիջեանի ռազմականացումը սպառնալիք կրնայ հանդիսանալ ամբողջ տարածքաշրջանի կայունութեան պահպանման համար: «Արմէնփրէս»-ի հաղորդումներով, լրագրողներու հետ զրուցելու ընթացքին

● շար. Դ. էջ

ՄՄՏՀԿ-ի անդամ երկիրներու արտաքին գործոց նախարարներուն երէկուան ժողովը

ՀԵՐԹԻ ՓՈՓՈԽՈՒԹԻՒՆ

Նալպանտեան Քիւեւի մէջ ներկայացուց Հայկական նախագահութեան առաջնահերթութիւնները

Երէկ, Քիւեւի մէջ տեղի ունեցաւ Սեւ ծովեան տրեստական համագործակցութեան կազմակերպութեան (ՄՄՏՀԿ) անդամ երկիրներու արտաքին գործոց նախարարներուն ժողովը: Նախարարութեան խորհուրդի 37-րդ այս նիստին ներկայ գտնուեցան ՄՄՏՀԿ-ի լիբրաւ անդամ 12 պետութիւններու, 13 դիտորդ երկիրներու եւ գործընկեր կազմակերպութիւններու բարձրաստիճան պատգամները: Մասնակցեցաւ նաեւ Հայաստանի Արտաքին գործոց նախարար Եղուարդ Նալպանտեան: Քիւեւի ժողովի ընթացքին Հայաստան ստանձնեց կազմակերպութեան շրջանային նախագահի պաշտօնը:

Նիստի ընթացքին Եղուարդ Նալպանտեան հանդէս եկաւ ելոյթով մը, որու ժամանակ նշեց, որ Երեւան յանձնառու է ՄՄՏՀԿ-ի ռազմավարական նպատակներուն ու



Դրուագ մը Քիւեւի երէկուան ժողովէն կը վերահաստատէ իր աջակցութիւնը այս կազմակերպութեան տնտեսական օրակարգին, որ ուղղուած է տարածքաշրջանային համագործակցութեան ընդլայնման եւ այս բանը կը բխի ՄՄՏՀԿ-ի կանոնադրական նպատակներէն: Նալպանտեան նշեց, որ Հայաստան որպէս շրջանային նախագահ երկիր, յառաջիկայ վեց ամիսներու ընթացքին ուղարկութեան կեդրոնի պիտի պահէ ՄՄՏՀԿ-ի տարածքամալարական նպատակներուն հա-

մագործակցութեան ընդլայնումը եւ ներկայ դրոյթներու միջոցաւ պիտի ջանայ յառաջ մղել նախագրեւած օրակարգը:

Քիւեւի մէջ Նալպանտեան շեշտեց, որ անդամ կարգ մը երկիրներ յառաջ փորձեր կ'ընեն այս կազմակերպութեան գործունէութիւնը քաղաքականացնելու ուղղութեամբ: Այս բոլորը կ'ազդեն ոչ միայն տարածքաշրջանի բազմակողմանի տրեստական համագործակցութեան, այլ նաեւ Եւրոպայի զինուորական

● շար. Դ. էջ

ՏԵՍԱԿԵՏ

ԵՐՈՒՍԱՂԵՄԻ ՀԱՐՑՈՎ ԱՐԱՐՆԵՐԸ ՈՒՇ ԱՐՁԱԳԱՆԳԵՑԻՆ. Ի՞ՆՁ ԷՐ ՊԱՏՃԱՌԸ...

ՍԱԳՕ ԱՐԵԱՆ

Ամերիկայի Միացեալ Նահանգներու նախագահ Տանըլտ Թրամփի յայտարարութիւնը մերկացուց արաբական աշխարհի բաժան-բաժան եղած ընդհանուր տեսարանը...

Այն, որ Թրամփի (Չորեքշաբթի, Դեկտեմբերի 6-ին) կատարած յայտարարութիւնը կարեւոր անկիւնադարձ մը պիտի ըլլայ Միջին Արեւելքի համար, կասկածներէ զուրկ է: Կարեւորը այն է, սակայն, որ ամերիկացի «սպիտակ» այս նախագահին արձակած «ռուս»-ը՝ որ ուղղութեամբ պիտի նետուի: Կամ եթէ ճիշդ նկարագրենք իրավիճակը՝ ապա պիտի բնեք, որ ռուսը արդէն արձակած է եւ կը սպասէ իր «հասցէատիրոջ» հետ հանդիպման:

Թրամփի ըրած յայտարարութենէն անմիջապէս ետք արաբ լրագրողներ «հերթի կանգնեցան» անոր Երուսաղէմը իբրեւ Իսրայէլի մայրաքաղաք ճանչնալու վերաբերեալ «պատմական վճիռ»ը համարելով «երեսխայական» քայլ մը, յաճախ մոռնալով ու անտես առնելով, որ ան ամերիկեան ընդհանուր քաղաքականութեան մէջ ընդամենը «գործ ընող» եւ «գործ կատարող» դէմք մըն է: Ժնշը է, որ ան յաճախ կը սայթաքի, կը փոխէ իր պաշեններուն ուղղութիւնները, խօսքը կատակներով կը համեմ, բայց նաեւ ակներեւ է, որ ան բաւարար ուժ ունի աշխարհին նոր «ժամացոյց» մը տալու:

Աւելի ճիշդ պիտի ըլլար ըսել, նոր ուղղութիւն տալու, նոր հարցեր սեղանին վրայ դնելու եւ բախումներու ու յետադարձ արձագանգներու ընդհանուր եզրագիծ մը գծելու: Չմոռնանք, որ Թրամփի իր յայտարարութիւնը կը կատարէր Ռուսաստանի նախագահ Վլատիմիր Փութինի «Սուրիոյ մէջ ահաբեկչները վերջացան»-ի երանգաւորմամբ եղած յայտարարութենէն ընդամենը ժամեր անց: Ու Տանըլտ Թրամփի լաւած նոր «ժամացոյց»ին ժամկէտը, երբեք պատահականութեան արդիւնք չէր:

Մինչ այդ, Միջին Արեւելքի ո՞ր դեկավարը կը ինչէր Երուսաղէմը. կամ Ռաքքայի, Ապու Քամալի ու Տէր Զօրի լուրերուն եւ զարգացումներուն մէջ «խեղուած» ո՞ր լրագրողը պիտի մտածէր, թէ Միացեալ Նահանգներու նախագահը այսպէս «ծայրայեղ» քայլի մը պիտի դիմէր ու Երուսաղէմը ճանչնար որպէս Իսրայէլի մայրաքաղաք: Թրամփ այս բոլորին մէջ ընականաբար պիտի ունենար «մեղմացուցիչ դէպք յանցանաց» մը ու նաեւ պիտի «յոխորտար», թէ տեսէ՞ «ես ընդամենը կը կատարեմ նախընտրական խոստումներս մին, որ շատ կարեւոր է իմ դաշնակիցներուն համար»: Իրադարձութիւնը իսրայէլացիներուն համար ալ «խեղէ վր» որոշում մըն է ու պարզ է նաեւ, որ անոնք ալ պատրաստ չէին այս «հաճելի անակիկայ»ին:

Ի՞ՆՁ ԿՐ ԿԱՏԱՐՈՒԹԻ ՓԵՏԵԻ ՎՐԱՑ

Թրամփի յայտարարութենէն անցած են տասն օրեր ու պաղեստինեան «Հաւատներուն» վրայ առկա բոլորեղումները տակաւին չեն հասած իրենց լրուսին: Եղածը ընականաբար համբերութեան մը «կռիւ»ն է, որուն աւարտին աւելի քան պարզ պիտի դառնայ, թէ գետնի վրայ ինչ նոր իրավիճակ ստեղծեց Թրամփի կատարած «յայտնագործութիւն»ը:

Վերադառնալով ընթացող դէպքերուն՝ հարկ է նշել, որ Երուսաղէմի մասին եղած յայտարարութեան հետեւանքով պաղեստինցիներու եւ իսրայէլեան ուժերու միջեւ եղած բախումներուն հետեւանքով վերադարձուած են շուրջ 1700 անձն եւ կան զոհեր: Բնականաբար այս թիւերը վերջնական չեն, քանի որ միւնչեւ այս յօդուածին գրուիլը բախումները կը շարունակուէին ու ոչ ոքի համար պարզ է, թէ վաղը ինչ նոր բեմագործութիւն մը պիտի ընթանայ այն քաղաքներուն մէջ, ուր պաղեստինցիները կրնան «խօսք մը ունենալ»: Հետաքրքրական է, որ արաբ մէկէ աւելի զինուորական վերուժաբաններու կարծիքով՝ Կազգէն դէպի իսրայէլեան քաղաքներ արձակուած հրթիռները ոչ թէ «պատահականութեամբ» կը նետուին, այլ կայ բաւականին յստակ ժամանակացուցակ մը եւ վայրերու ու թիրախներու ակներեւ տեղաբաշխում մը:

Այս առումով ալ ցարդ «Համաս»-ի զինուորական թեւերուն կողմէ իսրայէլեան Ասքալան քաղաքին վրայ նետուած հրթիռները որոշ մտահոգութիւն կը պատճառեն Իսրայէլի զինուորական ընտրանիին համար:

Ըստ լիբանանեան «Ալ Ախպար» պարբերականին, Իսրայէլի զինուորական զեկավարութիւնը նպատակադրած է կողմնացոյցին ուղղութիւնը փոխել եւ բոլորին ուղարկութիւնը ուղղել դէպի Կազգէ: Այս մօտեցումը նաեւ կը նշանակէ, որ Թեյ Աւիւ վճռած է զինուորական լայնածաւալ գործողութիւններ կատարել եւ մղել «Համաս»-ն ու անոր գինւորական թեւերը համընդհանուր պատերազմի մը, որուն արդիւնքով ալ միջազգային հանրութեան ուղարկութիւնը Երուսաղէմի հարցէն պիտի թեքուի դէպի այդ պատերազմը, ինչ որ շատ ալ վտանգաւոր խաղ մըն է իսրայէլացիներուն համար:

Ընթացողներու յիշեցնեմ, որ 2014 թուականին տեղի ունեցած է Կազգէի վերջին պատերազմը, որուն հետեւանքով ալ զոհուած են 2310 պաղեստինցիներ, մինչ իսրայէլեան բանակին զոհերուն թիւը եղած է 67:

Պատերազմական օրէնքներուն հանդէպ ծաղր ու ժողովով վերաբերուող նեթանիյահուի կառավարութեան համար մեծ խնդիր մըն է լուեցնել բոլոր այն ծայրերը, որոնք պատերազմի, բռնութեան եւ պաղեստինա-իսրայէլեան լուծումը կը տեսնեն միայն խաղաղ ճանապարհով: Իսրայէլի այս «պատերազմական թէզ»-ին դիմաց պաղեստինցիք եւս ունեն շատ յստակ քաղաքականութիւն մը, որուն հիմքով անոնք ամէն ինչ պիտի ընեն հեռու մնալու համար «համընդհանուր պատերազմի» ռիսկերէն



եւ ատոր փոխարէն բաւարարուին «արագ հարուածներ»-ու քաղաքականութեամբ մը: Երբ «արագ հարուածներ»-ու մասին կը խօսինք, ապա ըսել կ'ուզենք «Համաս»-ի տարբեր մակարդակի հետեւորդներուն կամ համակիրներուն կողմէ կատարուած դաշունահարումներու կամ նոյնիսկ ինքնաշարժներու միջոցով իսրայէլացի բանակայիններու կամ քաղաքացիներու դէմ եղած արարքները, որոնք Իսրայէլի համար կը հանդիսանան «անմարսելի» եւ ցնդիչ դէպքեր:

Այս տեսարանին վրայ անհերեւ է նաեւ, թէ «Համաս», որ ի դէպ այսօր կը տնտեսւի իր հիմնադրութեան 30-րդ տարեդարձը, ունի զինուորական բաւարար ներուժ գիմադրելու Իսրայէլի կողմէ կատարուելիք որեւէ մեծ գործողութիւն ու անոր «գետնուղիներու զինուորներ»-ը կրնան ծանր վնասներ հասցնել իսրայէլեան բանակին:

Անշուշտ զինուորական մեծ բախումի հետեւանքները ծանր պիտի ըլլան երկու կողմերուն համար ալ ու չի բացառուիր, որ Իսրայել մարեցնելու համար «քարերու պատերազմ» մը որեւէ հաւանականութիւնը, ստեղծուած ըլլայ այդպիսի քայլի մը նետուել...

«ԱՄԵՆ, ՈՐ ՏԻՐԵՄ»

Վերլուծաբան Արարատ Կոստանեանի հետ իմ ունեցած զրոյցներուն ընթացքին ան կարեւոր շեշտով մը կը խօսէր արաբական աշխարհի բաւական «անմիթիթար» իրավիճակին մասին: Ան մասնաւորապէս կ'ըսէր. «Հետաքրքրական է, որ արաբական տարբեր երկիրներու, նոյնիսկ Ինտոնեզիոյ մէջ, բողոքաբերկներու թիւը աւելի է, քան Երուսաղէմի ու անոր շրջակայ քաղաքներուն մէջ»:

Անշուշտ այս պատկերը պատահական չէր: Ունէր իր զրդապատճառները ու կար նաեւ պաղեստինեան գետնին վրայ վերջին տարիներուն եղած դէպքերը, որոնց հետեւանքով արաբական աշխարհի գլխավոր տեղութիւնները ձեւով մը «օտարուած» էին պաղեստինեան խնդրին: Այլ խօսք, որ Թուրքիան, Իրանը, Թունիսը, Ալճիրիան, Լիբանանը եւ նոյնիսկ Ինտոնեզիան կ'արձագանգէին եւ փողոց դուրս գալով «Մահ Ամերիկային» կը պողոպին, սակայն երեւելի էր, որ արաբական աշխարհի քիչաւնաքաղաքական հիմնական առանցք հանդիսացող սիւնեի տեղութիւնները շատ ալ խանդավառ չեն փողոց թլնելով:

Այս մօտեցումը միայն անոնց Ամերիկայի հետ ունեցած կապերուն (Ռիադ-Ուաշինկթըն) ռազմաքաղաքական դաշինք մը կազմելուն, կամ սիւնեի աշ-

● շար. Դ. էջ

ՀԱՊԵՏԱԳՐՈՐ ԽՈՐՀՐԱՎՈՐՈՒԹՅՆԵՐ

ԻՄԱՍՏՈՒՆ ԵՒ ՀԵՌԱՏԵՍ

ՄԱՇՏՈՑ ՔԱՀԱՆԱՑ ԳԱԼՓԱՔՃԵԱՆ

«Իմաստութիւն» եւ «Հեռատեսութիւն» մասնաշաղկապներն են, որ կը կատարեալապէս մարդս, եւ կ'աւելցեն անոր հմտութիւնը: Արդարեւ, իմաստուն եւ Հեռատեսն է այն անձը՝ որ կեանքին իր սեփական գործերէն, աշխատանքէն եւ զբօսանքէն, հաճոյքի ժամերէն զատ կը մտածէ, կը հետաքրքրուի նաեւ ուրիշ արարքներու մասին՝ որոնք իր ծերութեան օրերուն «պահեստի» դրամագլուխ» մը դերը պիտի կատարեն: Իմաստութիւն է եւ Հեռատեսութիւն՝ տեսնել նաեւ ապագան, եւ ապրիլ ըստ այնմ:

Մարդ, ինչ տարիք ալ որ ունենայ, երբ ետ նայի իր անցեալին վրայ, մասնաւոր ծերութեան շրջաններուն, հրճուանքով պէտք է տեսնէ, թէ իր կեանքը լոկ միտում մը չէ՝ եղած, այլ ունեցած է արժէք մը եւ բարոյական հարստութիւն մը՝ որ անխառն գոհունակութեան մշտնադարձ արդիւր մըն է իրեն համար:

Երջանիկ է այն մարդը, որ երբ ետ նայի իր անցած տարիներուն, չուն չի՝ հանդիպելի որ-րեւէ արարքի՝ որուն մասին զոգացած է, այլ ամբողջ կեանքը լեցուն է գոհունակութեամբ, օգտակարութեամբ եւ իմաստութեամբ: Անշուշտ կրնան պատահիլ պահեր, որոնք ձախողանք պատճառած են մարդուն, բայց այդ պահերը որքան հազուադէպ ըլլան, ան այնքան երջանիկ պէտք է զգայ ինքզինք, քանի որ իր կեանքը մեծ մասամբ օգտակար եւ նպաստաւոր է անցուցած: Բացարձակ կատարելութիւն եթէ նոյնիսկ չիրականանայ, կատարելութեան մօտեցումն ալ կ'երջանկացնէ մարդս: Զանալ, աշխատել կատարեալ ըլլալու ահաւասիկ ա՛յն ինչ որ կը սպասուի իմաստուն մարդէ մը:

Արդարեւ, հաճոյքներու եւ գուարճութիւններու բուռն տրամադրութեան հակառակ՝ իր պարտականութիւնը եւ դերը կատարած ըլլալու գիտակցութիւնը, իր քսակէն, ժամանակէն, խորհուրդներէն եւ պատահելութիւններէն ուրիշներու ալ բաժին հանած եւ զանոնք մասնակից ըրած ըլլալու իր սովորութիւնը մարդուն անիմանալի՝ գոհունակութիւն մը կը պատճառէ: Մանաւանդ, ներքին պայքարներու, փորձութիւններու ատեն իր լաւագոյն «Ես»ին տարած

յայթականները զօրաւոր յենակներ են՝ որոնց կրնայ կռիւնի մարդ կատարեալ ապահովութեամբ եւ հպարտութեամբ երբ կեանքի արեւը հետզհետէ հորիզոնին կը մօտենայ: Տարեքստ մէկը երբ կ'ապրի միջավայրի մը մէջ՝ ուր երիտասարդներ, դեռահաս պատանիներ կը գտնուին եւ յաճախ անոնց գեղեցիկ եւ առողջ կեանքը իր առջեւն է, ամէն ժամ, ամէն օր իրենց հետ է. կեանքեր՝ որ «կեանքը ճանչնայ»ու, կեանքը ապրելու, կեանքի պայքարին վարժուելու պատրաստութեանը մէջ՝ ուսման եւ գիտութեան անցըր հորիզոններուն տեսիլքով յափշտակուած են: Կեանքեր՝ որ սէրերու, փառքերու, վայելքներու եւ երջանկութիւններու երաժշտիկով հմայուած եւ տարուած են: Կեանքեր՝ որոնք զօրութեան, կարողութեան, խայտառքի, թարմութեան, հաճոյքի եւ հրճուանքի իրենց յորդորին մէջ՝ կեանքին արտօսքին արցունքներ, խորշոմներուն եւ սպիտակ մազերուն գոյուկեան երեքը չեն ուզեր հաւատալ ինքնախաբօրէն:

Եւ որքան դժուար եւ անիմաստ կը թուի երիտասարդութեան տարիներուն երեւակային ծերութիւնը՝ կարծես անիրական, անկարելի՝ բան:

Բայց երբ ժամանակը կը սահի ու կ'երթայ անխուսափելի՝ է ծերութեան շրջանը՝ ընտելեան օրէ՛նքն է որ կը գործադրուի՝ անխտիր եւ առանց բացառութեան, ամէն ապրող էակի համար:

Արդարեւ, այն որ կեանքը կ'ապրի, կերպով մը դատապարտուած է ապրիլ ծերութեան շրջանը: Իսկ այդ շրջանը կարենալ ապրիլ, կարենալ հասնիլ այդ շրջանին, արդէն մեծ բարեպատեհութիւն է. քանի որ կը գտնուին դժբախտներ, որոնք ծերութեան շրջանը իսկ ապրելու առիթը չեն ունենար...:

Արդեօք, անոնք որ չեն հասնիլ մինչեւ ծերութեան, միշտ երիտասարդ կը մնա՞ն, թէ պարզապէս միթոյ՞րաբանքի փորձ մը պէտք է համարել այսպիսի մտածում մը, յայտնի չէ՛:

Սակայն, իսկապէս անկարելի է երիտասարդի մը համար երեւակայել, խորհիլ ծերութեան մասին, քանի որ ան կ'ապրի միայն ներկան, եւ ո՛ր է գաղափար, եւ ո՛չ ալ փոր-

ձառութիւն ունի ապագայի մասին: Ուստի, երիտասարդներ ունին այն թեթեւ հոգիները, որ գործի, աշխատանքի ժամերուն մէջ իսկ կը յորդին ծիծաղելով, ժպտելով, երգելով եւ ճուղողիւններով:

Ամէն մարդ, մասնաւոր տարիքոտներ, չըսելու համար «ծերեր», կ'ունենան այդ անըրադարձումը, եւ կը յիշեն իրենց երիտասարդութեան շրջանի հոգիի այդ թեթեւութիւնները, անցած եւ աներեւութացած կեանքի «գարուն» են այն վարդաւառիւ ճամբաները, եւ ահաւասիկ, ներկայիս, ապրեւած տարիներու ծանրութիւնը, ճնշումը եւ փորձառութիւնը կը կրեն եւ կը տանին իրենց ուժաւաստ եւ կըսած, տկար ուսերուն վրայ, եւ կը փորձուին գոչել երիտասարդներուն, հոգ չէ՛ թէ պատանեկան անփորձութիւնը ծիծաղով եւ անտարբերութեամբ միայն ունկնդրէ փորձառութեան ձայնին:

«Ձեր աշխատանքի լրջութենէն բացին ներհանցէ՛ք, ձեր ներքին հոգեկան կռիւներէն, պայքարներէն յայթակաները ապահովեցէ՛ք, ձեր կեանքի կորովէն, գեղեցկութենէն, բարութենէն եւ հարստութենէն - պահեստի գումար» մը մէկ կողմ դրէ՛ք, ձեր յուսախաբէութիւններէն, ձեր ցաւերէն եւ վիշտերէն զօրութիւն ամբարեցէ՛ք, ձեր սրտին բարութիւններէն եւ ազնուութիւններէն պաշար հաւաքեցէ՛ք: Այս բոլորը վաղը ձեր թանկագին - դրամագլուխը պիտի կազմեն, որուն վրայ պիտի ուզէք նայիլ գոհունակութեամբ եւ հրճուանքով, եւ երբ ձեր ալ - նշննիւ ծաղկիւ, ձեր մայրամուտի արեւը ձեր կեանքին արշալոյսին հմայքը եւ չեղութիւնը պիտի ունենայ»:

Որովհետեւ, ժամանակը անդիմադրելի հոսանք մըն է, զոր անկարող է կասեցնել ո՛չ գիտութիւնը, ո՛չ գիւտերը, ո՛չ հարստութիւնը, ո՛չ գանձեր, ո՛չ հնարքներ եւ ո՛չ իսկ մարդկային միտք: Ուստի ամէն ուժ ստիպւած է խոնարհիլ անոր առջեւ, եւ թարմութիւն, գեղեցկութիւն, իրողութիւն եւ զօրութիւն անպայման պիտի ազդուին անոր մոգական հպումէն:

Ուստի ըլլալու է իմաստուն եւ Հեռատես, անակնկալի հետ չզդիմադրուելու համար...:

Դեկտեմբեր 6, 2017, Իսթանպուլ

Կեանքիդ արժեքը

«ԾԱՄԵՐ» ՇՈՒԲԵԶՈՎԻ ԾՐՋԱՊԱՏԻ «ՄԻ՝ ԱՊԱԿԱՆԵՐ»

ԱԼԵԽՍ ՄՐԿ. ԳԱԼԱՅՃԵԱՆ

Տիեզերքին մէջ երկրագունդը միակ մոլորակն է, որ թթուածին ունի: Երկրագունդի վրայ գտնուող իւրաքանչիւր էակ թթուածինի շնորհիւ կը շնչէ, կ'ապրի ու կը գոյատևէ: Նոյնպէս ալ բնութիւնը առանց ջուրի եւ թթուածինի չի՝ կրնար կանաչանալ, ծաղիկները՝ ծաղ-ձակիլ, ծառերը՝ հարիւր տարիներ կան-գուն մնալ...: Մտերբը ի տարբերութիւն երկրի վրայ գտնուող բոլոր ստեղծագործութեանց, մարդը արարածի ար-տաշնչած անթաթթու թթուածինի կը վերածննդ: Եթէ թթուածինը բարի նպասակի համար ստեղծուած է, սակայն մարդիկ ո՛չ միայն զայն կը չարաշահեն, այլեւ իրենց «ծանր» շունչով ու ներկա-յութեամբ իրենց շրջապատի կեանքը «կը ծանրացնեն», հեղասահ ընթացքը կը խոչընդոտեն եւ անէծքի «տա-րափ»ներով յաջողակ գնացքիդ արգելք կը հանդիսանան:

Լող անձը: Այս շունչը մարդ անհատի ստորակալութեան բարդոյթի մէկ ցուցանիշն է: Նման մարդիկ երբ իրենց կեանքէն կը դժգոհին՝ այդ դժգոհու-թիւնը բոլորին վրայ կը տարածեն, որ-պէսզի չըլլայ թէ մէկը ուրախանայ եւ երկար տարիներէ հոգ ձեռք բերուած յաջողութիւնը, ուրախութիւնը ընդ-միշտ վայելէ: Երբ այս բոլորին ականա-տեսը կը դառնաս, դուն քեզի հարց կու տաս, թէ ի՞նչն են իրենց դժգոհութեան, «ծանր» շունչին, տիրութեան, յոռետես-տութեան եւ այլանդակութեան տուն ստուղ պատճառները: Երբ իրենց շրջա-պատին մէջ չկան գրիներ վերաւորող-ներ, անկար կոչողներ, զգեստողներ՝ ա-նոնք իրաւունք չունին ներփակ կեանքը մը ապրելու եւ ապա այդ շունչով այ-լոց վրայ նեղութիւն բերելու: Այո՛, մարդ արարածը ընդգծով ետանք է եւ



Թթուածինը թեթեւ ու ան-տեսանելի է: Առողջ մարդիկ շատ հեշտութեամբ կրնան զայն շնչել ու արտաշնչել, բայց «ծանր» հոգի ունեցող մարդիկը այդպէս չեն ար-տաշնչել: Այսպիսիք մա-բուր ու թեթեւ թթուածինը կը շնչեն, բայց «ծանրու-թեամբ» կ'արտաշնչեն եւ կամ իրենց մէջ կը պահեն՝ հարկ եղած ժամանակ զայն օգտագործելու համար, այդ ըլլալ բամբասանքի, ատկութեան, անէծքի, զրպարտութեան, ցեխարձակումներու եւ ստուկութեան միջոցաւ: «Ծանր» շունչը մարդոց վրայ խոր ու վատ ազդեցու-թիւն կը թողու, իսկ այդ «եղակի» շուն-չին տիրակալը միայն այդ յատկու-թեամբ ինքզինք օժտած չ'ըլլար, այլ ողջ էութիւնը, նայուածքը, կեցուածքը, լե-զուն եւ իւրաքանչիւր շարժուածքը թոյ-նի սրուակին մէջ թաթախած կ'ըլլայ: Այդ թոյնը անսպաս ազդիւր է, որ շա-րունակ կ'աւելնայ, իր գործունէութիւ-նը օրըստօրէ կը ծաւալէ, երբ մանա-ւանդ կը տեսնէ իր ընկերոջ կարողու-թիւնները, շնորհքները, յաջողութիւնը, արդիւնաւէտութիւնն ու դիրքը:

«Ծանր» շունչը ներքին սպաննող ախտ մըն է, որ նախ քեզ կ'ապականէ, կը պղծէ, ապա՝ թիրախաւոր-ենթարկը-

եսափրութեան պատճառով շատ յա-ճախ այդ ներքին «ենխաժութիւն»ը, կամայ եւ ակամայ, տարբեր միջոցնե-րով իր մարմնէն դուրս կու գայ: Բայց երբեք մի՛ մոռնար, որ Աստուած քեզի բանականութիւն եւ կամք տուած է, որոնց միջոցով կրնաս բնագոյր, ետափ-րութիւնդ եւ յոռի մտածումներդ հա-կակշռել եւ ըստ այնմ կեանքդ ապրիլ:

Հոգեբաններ «ծանր» շունչ ունեցող մարդիկը կը կոչեն «ինքնակոչ» կեղծ գոհներ, որոնք իրենց դժբախտութիւնն ու անյաջողութիւնը ուրիշին վրայ կը բարդեն եւ կ'ուզեն անոնց կեանքը «շնչահեղծ» դարձնել: Փոխանակ հար-ցերը իրենց իրենց մէջ փնտելու, գա-նոնք կը կապեն արտաքին աշխարհին հետ, որոնց իրեւ հետեւանք՝ ամէն մէկ երեւոյթի մէջ միայն բացասականը կը տեսնեն եւ դրականը կ'անտեսեն: Կարգ մը հոգեբաններ, գիտել կու տան, թէ

● շար. Դ. ԶԷ

ՍԱՄԱԹԻՈՅ ԱՆԱՐԱՏ ՅՂՈՒԹԻՒՆ ՎԱՐԺԱՐԱՆԻՆ ՄԷՋ ՄԱՍՆԱԳԻՏԱԿԱՆ ԴԱՍԱԽՕՍՈՒԹԻՒՆՆԵՐ



Խմբակար մը վարժարանի երդիքին տակ (Լուսանկարները՝ դպրոցէն)

Սամաթիոյ Անարատ Յղութիւն վարժարանի եր-դիքին տակ վերջերս հիւրըն-կալուեցաւ հոգեբան Սելին Էօզքան: Ուսուցիչներուն եւ ծնողներուն ուղղեալ երկու երոյթներով հանդէս եկաւ մասնագէտը, որ բացատրու-թիւններ տուաւ, թէ ի՞նչ ճամբով ու ի՞նչ ձեւերով պէտք է չփուռ մշակել տղոց հետ: Սելին Էօզքան անմի-ջական զրոյց մը մթնոլորտ-ի վերածնց իր երոյթները, որոնք օգտակար հանդիսա-ցան մասնակիցներուն տե-սակէտէ:



Վարժարանի պատասխանատուները հոգեբան Սելին Էօզքանի հետ (Լուսանկարը՝ դպրոցէն)

Այս առթիւ վարժարանի տնօրէն Շահին Չընար հան-դէս եկաւ շնորհակալութեան խօսքով մը եւ Սելին Էօզքա-նին յանձնեց յուշանուէր մը:

JAMANAK
ERMENİCE GÜNLÜK SİYASİ GAZETE
Sahibi: SARKIS KOÇUNYAN
Yazı İşleri Müdürü: NADİA KOÇUNYAN
Basım ve Yayımlar: JAMANAK
DUATEPE MAH. ŞAHADET SOK. NO: 36/4 VARTAN APT. 34379
FERİKÖY-ŞİŞLİ/İSTANBUL (POSTA KUTUSU 22 BEYOĞLU)
BU GAZETE BASIN AHLAK YASASINA UYMAYI KABUL ETMİŞTİR
YAYIN TÜRÜ YEREL SÜRELİDİR

JAMANAK
ԺԱՄԱՆԱԿ
ՔԱՂԱՔԱԿԱՆ ԺՈՂՈՎՐԴԱԿԱՆ ՕՐԱԹԵՐԻԹ

110-ԴԻ ՏԱՐԻ (16.12.2017)
ՀԻՄՆՈՒՄ 1908-ԻՆ
ՄԻՍՍԻՐ ԵՒ ՍԱՐԳԻՍ ԳՕԶՈՒՆԵԱՆ ԵՂԱՅՐԵՆԵՐՈՒ ԿՈՂՄԷ
☎ 0.212.243 56 39
📠 0.212.243 31 96
✉ jamanak@jamanak.com
www.jamanak.com
